

paucioribus et longioribus, antheris styloque longioribus, foliis magis virentibus, lobis eorum multò acutioribus.

Aliam in Pedemontio propè *Suza* legi plantam, huic magis quàm cæteris affinem sed paniculâ minùs expansâ, involucris breviter pedunculatis pallidis, akeniis brevius oblongis umbilico latiore præditis et pappo duplò tantùm longioribus, foliorumque lobis minùs acutis diversam. — Olì in horto meo ex seminibus enata casu fortuito haud adulta periit.

PICRIS PINNATIFIDA Jord.

P. pedunculis brevibus paulò incrassatis in apice ramorum sub-corymbosis, involucris canescentis pilis apice glochidiatis obsiti demùm suprâ medium constricti foliolis lanceolato-linearibus obtusiusculis, exterioribus subpatulis, ligulis subtùs violaceis, akeniis fuscis transversè striato-rugulosis, foliis cinerascentibus utrinquè asperis *hispidissimis*, radicalibus *angustè lineari-oblongis undulatis crispis* ad costam ferè mediam *pinnatifidis*, lobis *lineari-oblongis crispis* sæpè recurvatis, caulinis *pinnatifidis* basi semi-amplexicaulibus, floralibus tantùm superioribus abbreviatis linearibus basi dentatis subintegrisve, caule striato *hispidissimo* aspero erecto ramosissimo, ramis *elongatis arcuato-patentibus* apice paucifloris, radice bienni.

Hab. in siccis et incultis Occitaniæ propè *Nismes*, *Uzès*, ubi eam ipse detexi. — Fl. jul. aug.

A *P. hispidissima* Bartl. — *laciniatâ* Vis. differt akeniis angustioribus magis tenuiter ruguloso-striatis, foliis cinerascentibus verè *pinnatifidis* nec tantùm *laciniatis* vel *sinuato-dentatis*, ramis *elongatis patentibus* nec strictè erectis, habitu proceriore diversissimo. — Utramque colui ex seminibus.